

Adroddiad i'r: Cyngor

Dyddiad y Cyfarfod: 12 Mai 2015

Aelod / Swyddog Arweiniol: Y Cynghorydd Hugh Evans, Arweinydd, y Cynghorydd Julian Thompson-Hill, Aelod Arweiniol dros Gyllid, y Cynllun Corfforaethol a Pherfformiad, ac Alan Smith, Pennaeth Gwella a Moderneiddio Busnes

Awdur yr Adroddiad: Carol Evans ac Emma Horan, Tîm Cynllunio Strategol

Teitl: Cynllun Corfforaethol 2012-17, Dogfen Gyflenwi Blwyddyn 4 (2015-16)

1. Am beth mae'r adroddiad yn sôn?

1.1 Mae'r adroddiad hwn yn cyflwyno Dogfen Gyflenwi Blwyddyn 4 (2015-16) ar gyfer Cynllun Corfforaethol 2012-17 ac mae'n amlinellu cyfraniad Cyngor Sir Ddinbych tuag at Gynllun Lles Sir Ddinbych yn ystod 2015-16.

2. Beth yw'r rheswm dros lunio'r adroddiad hwn?

2.1 Mae angen penderfyniad i gymeradwyo fersiwn drafft terfynol o Ddogfen Gyflenwi Blwyddyn 4 y Cynllun Corfforaethol, sydd ynghlwm yn Atodiad 1 i'r adroddiad hwn.

3. Beth yw'r Argymhellion?

3.1 Argymhellir bod yr Aelodau'n cymeradwyo drafft terfynol y Ddogfen Gyflenwi (Atodiad 1) er mwyn galluogi iddo gael ei gyfieithu a'i gyhoeddi.

4. Manylion yr Adroddiad

4.1 Caiff Dogfen Gyflenwi ei chreu ar gyfer pob blwyddyn o'r Cynllun Corfforaethol. Ei bwrbas yw amlinellu rhai o'r prosiectau allweddol a fydd yn cael eu cychwyn a/neu eu dosbarthu yn ystod y flwyddyn ariannol ar gyfer pob un o'n blaenoriaethau, gyda'r bwriad o ddangos sut y mae'r Cynllun Corfforaethol yn effeithio ar y gwaith rydym yn ei wneud. Rydym wedi defnyddio'r cyfle hwn i amlinellu cyfraniad y cyngor i Gynllun Lles Sir Ddinbych yn ystod 2015-16. Bydd y ddogfen (atodiad 1) yn cael ei chyhoeddi ar ein gwefan fel ei fod ar gael ar gyfer ein rheoleiddwyr, y cyhoedd a phartneriaid.

4.2 Mae'r gweithgareddau'n tarddu o Gynlluniau Gwasanaeth a Rhaglen. Caiff cynnydd ei adrodd i'r Pwyllgor a'r Cabinet Craffu Perfformiad drwy ein Hadroddiadau Perfformiad Chwarterol (Rheolir perfformiad Cynllun Lles Sir Ddinbych gan Fwrdd Gwasanaethau Lleol Conwy a Sir Ddinbych). Bydd arfarniad cyffredinol o gynnydd y Cyngor o ran cyflawni'r Cynllun Corfforaethol yn cael ei gynnwys yn yr Adroddiadau Perfformiad Blynnyddol a gyhoeddir bob mis Hydref.

4.3 Mae'r gweithgareddau a amlygir o fewn Dogfen Cyflawni Blwyddyn 4 wedi'u cynllunio i gael effaith gadarnhaol ar les, annibyniaeth a gwytnwch ein Blaenoriaethau Corfforaethol a chymunedau (Cynllun Lles Sir Ddinbych).

5. Sut mae'r penderfyniad yn cyfrannu at y Blaenoriaethau Corfforaethol?

5.1 Mae'r Ddogfen Gyflenwi yn nodi'r gweithgaredd y mae'r cyngor wedi ei gynllunio ar gyfer 2015-16 i gefnogi'r gwaith o gyflawni ei flaenoriaethau corfforaethol.

6. Faint fydd hyn yn ei gostio a sut y bydd yn effeithio ar wasanaethau eraill?

6.1 Mae Cynllun Corfforaethol 2012-17 yn cynnwys strategaeth ariannol bum mlynedd o hyd sy'n amlinellu'r buddsoddiad cyfalaf a ragwelir y bydd ei angen i gyflawni'r blaenoriaethau. Mae Dogfen Gyflawni Blwyddyn 4 yn cynnwys adran ar y goblygiadau ariannol ar gyfer 2015-16.

6.2 Nid oes arian ychwanegol ar gael i gyflwyno'r Cynllun Lles. Bydd partneriaid yn ystyried yr achos busnes ar gyfer pob menter arfaethedig yn ofalus, ac yn chwilio am gyfleoedd ar gyfer defnydd cynaliadwy o adnoddau presennol i ddiwallu'r canlyniadau a nodwyd.

7. Beth yw prif gasgliadau'r Asesiad o Effaith ar Gydraddoldeb (AEC) a gynhaliwyd ar y penderfyniad?

7.1 Cynhaliwyd Asesiad Effaith Cydraddoldeb (AEC) ar y Cynllun Corfforaethol a'i gyflwyno i'r Cyngor ar 9 Hydref 2012. Nid oes angen unrhyw Asesiad o Effaith ar Gydraddoldeb penodol ar gyfer yr adroddiad hwn ei hun, ond bydd angen i Benaethiaid Gwasanaeth ystyried effaith cydraddoldeb gweithgareddau unigol a grybwyllir yn y ddogfen er mwyn sicrhau nad ydynt yn cael unrhyw effaith andwyol anghymesur ar bobl sy'n rhannu nodweddion a ddiogelir.

7.2 Cynhaliwyd AEC ar gyfer y Cynllun Lles a daethpwyd i'r casgliad nad yw'r Cynllun yn cael effaith andwyol ar bobl o fewn y nodweddion a ddiogelir. Fodd bynnag, bydd yn ofynnol cael Asesiadau Effaith Cydraddoldeb ar gyfer pob prosiect Cynllun Lles.

8. Pa ymgynghoriadau a gynhaliwyd gydag Archwilio ac eraill?

8.1 Mae'r Ddogfen Gyflawni wedi cael ei datblygu o weithgaredd a nodwyd o Gynlluniau Gwasanaeth ar gyfer 2015-16 (y cytunwyd arnynt gydag Aelodau Arweiniol) ac o Gynlluniau Rhaglen. Mae gweithgareddau wedi'u diffinio a'u mireinio ymhellach drwy drafodaethau gyda phersonél allweddol sy'n ymwneud â'r gwaith o'u cyflenwi. Cafodd drafft ei ddsbarthu i'r Uwch Dîm Arweinyddiaeth a'r Aelod Arweiniol dros Gyllid, y Cynllun Corfforaethol a Pherfformiad ar gyfer sylwadau cyn ei gyflwyno i'r Cyngor i'w gymeradwyo.

8.2 Mewn perthynas â'r Cynllun Lles, mae rhaglen fanwl o ymgysylltu ac ymgynghori wedi cael ei chwblhau ac mae'r Cynllun Lles wedi cael ei

gymeradwyo'n ffurfiol gan bob partner yn y sector cyhoeddus, gan gynnwys Llywodraeth Cymru.

9. Datganiad y Prif Swyddog Cyllid

9.1 Mae ein Cynllun Corfforaethol 2012-17 yn egluro ein blaenoriaethau uchelgeisiol – ond y gellir eu cyflawni – ar gyfer y cyfnod pum mlynedd. Bydd rhai o'r blaenoriaethau hyn yn gofyn am fuddsoddiad cyfalaf sylweddol, ac mae'r amcangyfrif diweddaraf yn cymryd y bydd angen i'r Awdurdod fuddsoddi tua £119 miliwn o bunnoedd yn ychwanegol o gyllid cyfalaf yn ein blaenoriaethau er mwyn cyflawni'r Cynllun. Tybir y bydd £79m yn cael ei wario rhwng 2012/13 a 2016/17 a £40m yn y ddwy flynedd wedyn. Cafodd diweddariad o'r Cynllun Corfforaethol ei roi i'r Cyngor Sir ar 3 Chwefror 2015 a chymeradwywyd bod y gwaith o gyflawni'r Cynllun Corfforaethol yn cael blaenoriaeth o ran rowndiau gosod cyllideb yn y dyfodol. Gweler Atodiad 1 am ragor o wybodaeth.

10. Pa risgiau sydd yna, ac a oes unrhyw beth y gallwn ei wneud i'w lleihau?

10.1 Nid oes unrhyw risgiau penodol yn gysylltiedig â'r adroddiad hwn. Swyddogaeth y Gofrestr Risg Corfforaethol a'r Gofrestr Risg Gwasanaethau yw dynodi (a rheoli) digwyddiadau posibl o risg a allai olygu na fyddai'r cyngor yn gallu cyflawni ei Gynllun Corfforaethol a'i Gynllun Lles.

11. Pŵer i wneud y Penderfyniad

11.1 Mae'r Cynllun Corfforaethol yn elfen allweddol o Raglen Cymru ar gyfer Gwella (2010), sy'n cael ei gefnogi gan ofynion statudol Deddf Llywodraeth Leol 1999 a Mesur Llywodraeth Leol (Cymru) 2009.